



Broj: 16-12-16-2-4440-11/15  
I. Sarajevo, 04.06.2015. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-4440/15 od 01.06.2015. godine, u postupku javne nabavke sportske odjeće i obuće za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku sportske odjeće i obuće za potrebe Državne agencije za istrage i zaštitu

#### **Član 1.**

Prihvata se preporuka Komisija za provođenje postupka nabavke broj 16-12-16-2-4440/15 od 01.06.2015.godine i kupoprodajni ugovor za javnu nabavku sportske odjeće i obuće za potrebe Državne agencije za istrage i zaštitu dodjeljuje se ponuđaču "SPORT VISION" d.o.o. Bijeljina, ponuda broj 16-12-16-2-4440-8/15 od 20.05.2015. godine i to:

- LOT 1 - 100 pari patika za trčanje, za ponuđenu cijenu od 18.190,00 KM bez uračunatog PDV-a;
- LOT 2 - 100 komada pamučnih trenerki, za ponuđenu cijenu od 12.000,00 KM bez uračunatog PDV-a i
- LOT 3 - 100 komada trenerki od mikrofibera, za ponuđenu cijenu od 11.500,00 KM bez uračunatog PDV-a.

#### **Član 2.**

Ponuđač iz člana 1. ove odluke obavezuje se da u roku od pet dana od dana prijema iste ugovornom organu dostavi dokaz o ispunjavanju uslova iz tač. 3.1.1 i 3.1.3 Konkurentskog zahtjeva (orginal ili ovjerena kopija).

#### **Član 3.**

Prijedlog ugovora o javnoj nabavci dostavit će se na potpis izabranom ponuđaču "SPORT VISION" d.o.o Bijeljina po proteku roka od 15 dana, računajući od dana kada su svi ponuđači obaviješteni o izboru napovoljnije ponude.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

#### Član 6.

Ova odluka stupa na snagu danom donošenja.

#### O b r a z l o ž e n j e

Postupak javne nabavke sportske odjeće i obuće za potrebe Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2-4440-1/15 od 06.05.2015. godine, procijenjene vrijednosti 45.000,00 KM bez obračunatog PDV-a, za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem konkurentskog zahtjeva, za koji je obavještenje objavljeno na Portalu javnih nabavki broj 1161-7-1-370-3-7/15 od 11.05.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-4440/15 od 01.06.2015.godine sa preporukom o izboru najpovoljnijeg ponuđača u postupku javne nabavke sportske odjeće i obuće za potrebe Državne agencije za istrage i zaštitu.

Na osnovu dostavljenog Izvještaja o radu Komisije utvrđeno je da je predmet javne nabavke podijeljen na lotove kako slijedi:

- LOT-1 - 100 pari patika za trčanje, procijenjene vrijednosti 20.000,00 KM, bez uračunatog PDV-a;

- LOT-2 - 100 komada pamučnih trenerki, procijenjene vrijednosti 13.000,00 KM, bez uračunatog PDV-a i

- LOT-3 - 100 komada trenerki od mikrofibera, procijenjene vrijednosti 12.000,00 KM bez uračunatog PDV-a.

Komisija je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike.

Ukupan broj pristiglih ponuda je tri i to:

| Redni broj | Naziv ponuđača                  | LOT   | Vrijednost ponude (bez PDV-a) |
|------------|---------------------------------|-------|-------------------------------|
| 1.         | "P ŠPORT" d.o.o. Široki Brijeg  | LOT 1 | 8.600,00 KM                   |
|            |                                 | LOT 2 | 8.300,00 KM                   |
|            |                                 | LOT 3 | 13.400,00 KM                  |
| 2.         | "SPORT VISION" d.o.o. Bijeljina | LOT 1 | 18.190,00 KM                  |
|            |                                 | LOT 2 | 12.000,00 KM                  |
|            |                                 | LOT 3 | 11.500,00 KM                  |
| 3.         | "BENEFIT" d.o.o. Sarajevo       | LOT 1 | 19.500,00 KM                  |
|            |                                 | LOT 2 | 13.000,00 KM                  |
|            |                                 | LOT 3 | 12.500,00 KM                  |

Sve pristigle ponude blagovremeno su zaprimljene.

Dostavljena ponuda ponuđača "SPORT VISION" d.o.o. Bijeljina je prihvatljiva, dok ponude "P ŠPORT" d.o.o. Široki Brijeg i "BENEFIT" d.o.o. Sarajevo nisu prihvatljive.

Uvidom u dostavljenu ponudu ponuđača "P ŠPORT" d.o.o. Široki Brijeg Komisija je utvrdila da ista nije sačinjena u skladu sa tačkom 3.1.3 Konkurentskog zahtjeva, jer ponuđač kao dokaz svoje ekonomske i finansijske sposobnosti nije dostavio potvrdu-izvještaj o računima iz Jedinstvenog registra transakcijskih računa u BiH, izdatu od strane Centralne banke Bosne i Hercegovine ili potvdu druge poslovne komercijalne banke certificirane za izdavanje takvih potvrda na obrascu Centralne banke Bosne i Hercegovine. Naime ponuđač "P ŠPORT" d.o.o. Široki Brijeg dostavio je Potvrdu broj 13-6-3168/2015 od 15.05.2015. godine UniCreditBank d.d. Mostar, koja nije izdata na obrascu Centralne banke Bosne i Hercegovine, kako je traženo Konkurentskim zahtjevom.

Uvidom u dostavljenu ponudu ponuđača "SPORT VISION" d.o.o. Bijeljina Komisija je utvrdila da ista ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, te ekonomske i finansijske sposobnosti navedene u Konkurentskom zahtjevu, kao i da ponuđene cijene za LOT-1, LOT-2 i LOT-3 ne premašuje procijenjenu vrijednost nabavke za navedene lotove.

Uvidom u dostavljenu ponudu ponuđača "BENEFIT" d.o.o. Sarajevo Komisija je utvrdila da ista nije sačinjena u skladu sa tačkom 5.2 Konkurentskog zahtjeva, obzirom da dostavljena ponuda nije čvrsto uvezana, kako bi se onemogućilo naknadno izvlačenje odnosno umetanje listova;

Komisija dalje nije razmatrala niti vrednovala ponude ponuđača "P ŠPORT" d.o.o. Široki Brijeg i "BENEFIT" d.o.o. Sarajevo, obzirom da iste ne ispunjavaju formalno-pravne uslove predviđene Konkurentskim zahtjevom;

Komisija je obzirom na činjenicu da je dostavljena ponuda ponuđača "SPORT VISION" d.o.o. Bijeljina jedina prihvatljiva ponuda, koja ne premašuje procijenjenu vrijednost po lotovima, u cilju ocjene tehničke i profesionalne sposobnosti ponuđača, zatražila od stručnih lica Jedinice za specijalnu podršku da na osnovu uvida u dostavljene uzorke daju mišljenje po pitanju postavljenih uslova iz konkurentskog zahtjeva.

Aktom Jedinice za specijalnu podršku od 22.05.2015. godine potvrđeno je da dostavljeni uzorci patika, pamučnih treneki i trenerki od mikrofibera ponuđača "SPORT VISION" d.o.o. Bijeljina, u potpunosti odgovaraju tehničkim specifikacijama iz Konkurentskog zahtjeva.

Komisija je nakon pregledanja dokumentacije priložene uz dostavljene ponude u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva i sačinila rang listu ocijenjenih ponuda, kako slijedi:

| Redni broj | Naziv ponuđača                 | LOT                     | Ukupna cijena (bez PDV-a)                    |
|------------|--------------------------------|-------------------------|--|
| 1.         | "SPORT VISION" d.o.o. Sarajevo | LOT 1<br>LOT 2<br>LOT 3 | 18.190,00 KM<br>12.000,00 KM<br>11.500,00 KM |

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača "SPORT VISION" d.o.o. Bijeljina tehnički zadovoljavajuća, da ista ne premašuje procijenjenu vrijednost po lotovima, te je ista ocijenjena kao najpovoljnija.

Shodno navedenom, prihvaćen je prijedlog Komisije i odlučeno je da se predmetni ugovor za LOT-1 i LOT-2 i LOT-3 dodjeli ponuđaču "SPORT VISION" d.o.o. Bijeljina, kako je odlučeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja ove odluke. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x,
- Sektoru za mat.-fin poslove,
- a/a.

